



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. IV. De Societate Iesu.

urn:nbn:de:hbz:466:1-11249

CAPVT III.

De Theatinorum origine.

Clericorum Regularium, quos Theatinos
vocant, ordinem instituit Ioannes Petrus
Caraffa, qui postea Paulus IV. Papa est
appellatus. Is & generis nobilitate, & litte-
rarum eruditione spectatissimus, cum esset
Theatinus in regno Neapolitano Episcopus,
relieto Episcopatu, cum alijs tribus æquè pījsac
nobilibus viris, Caietano Thianæo, Boni-
facio à Colle, & Paulo consiliario, familiam
regularē, ab Episcopo ceteris clariore The-
atinam dictam, Condidit. De Paulo
I V. & tribus eius socijs exstant Colle-
ctanea Historica, per Antonium Caracciolum,
eiusdem sodalitij clericum, an. 1612. Colonia
publicata. Theatinorum institutum anno
1524. Clemens VII. confirmauit.

CAPVT IV.

De Societate Iesu.

Societas Iesu, magno vniuersæ Ecclesiæ bo-
no, per totum terrarum orbem diffu-
sa, conditorem post Deum agnoscit
Be-

Beatum Ignatium Loiolam , nobili genere
apud Cantabros natum: qui anno 1534 . socios
aliquot sibi primùm adiunxit. Ipsam socie-
tatem Paulus III. Papa anno 1540 . confir-
mauit, diplomate solemni edito. Eius Histo-
riam elegantissimo stylo conscripsit Nicolaus
Orlandinus.

Ad meliorem porrò vitam anno 1555. Igna-
tius transiit, à Paulo V. Papa anno 1609. inter
Beatos relatus. Vitam eius litteris consignarūt
Ribadineira & Maffeius.

Ceterūm hoc Societati proprium est, per-
petuò suos, sponsione voti addita , habere
promptos ad obsequium Rom. Pontificis,
vt quocumque ille iusserit Euangelij caussa,
sine recusatione contendant. Proprium item,
toto orbe terrarum gymnasia aperire, ad iu-
uentutem non modò liberalibus disciplinis,
verùm etiā Christianis moribus imbuendam.
Proprium denique, catechesim seu Christianę
doctrinæ elementa pueris & im-
peritæ multitudini
passim tra-
dere.

